

Stadtarchiv Leutkirch

Ratsprotokoll 1636 (Inv.Nr.31a)

pag.73 Zinstag den 1.ten Aprilis ao. 1636.

Balthaß Rauch hat fürbracht, seines Bruders Endriß see.

2. Kinder wehren vf der halben Schmitten die Seg genannt die Jhnen zuegehörig sey, schuldig, weil nun die Zinsen der Kinder schaden vnnd die Schmitte Jhnen nichts nütz sey, So woll Er, vf Eines Er: Raths ratification, solchen halben theil vmb 2 1/2 hundert fl.

Kaufflich Annemmen, damit die Kinder außm Zinß, gebs hiemit Einem Er: Rhat Als OberPflegeren zubeckenken.

Beschaidt. Sollß seinem Herrn bruder Benedicten Abtten zu Wiblingen Alß auch der Kinder Vettern zu wissen thun, waß Er dann Antwortten werde, woll man sich drauf Erkleren.

pag.239 Freytags den 19. Sept. ao. 1636.

Balthaß Rauch des Rhats Alhie hat sich beClagt, daß Er bey seines bruders Andreae Verlassenschaft 150 fl. zu fordern habe: weil nun die Zinß immer vfwachsen so wol gegen Jhme Alß Anndern creditoribus, darneben der Kinder Antheil an der SegenSchmitten Je mehr vnd mehr zergeht, über diß der Sohn ein Beck sey, vnnd die Tochter zu Wangen diene, vnd Sie nicht vermögen, die Schmitten wider zu bawen, So wöll Er Einem Er: Rhat heimbstellen, ob man Jhme der Kinder Antheil an der Schmitten entweder Kaufflich überlassen, oder Jhme assecuration vmb seine 150.fl. geben wölle?

Beschaidt. Es soll Jhme mehrgemelter Antheil an der Schmitten, vmb 250.fl. Kaufflich überlassen werden, dergestalt Er vmb seine 150 fl. contentirt werden, vnnd dann soll Er von denen 200 fl. welche Hr. B. Hanß Haintz bey den 2. Kindern verzinßlich ligen hat, die Aine 100.fl. drauf Annemmen, darzu hat Er sich erclert vnnd darbey erbotten, wann Eins oder beede Kinder über Kurtz oder lang solchen theil wider begehren möchten, daß Ers Jhnen, gegen den Kauff= vnd Bauschilling cediren wolle.